

ՀՀ ԱՐԴՅՈՒՆԱՀԱՆՈՂ ՃՅՈՒՂԵՐԻ ԹԱՓԱՆՑԻԿՈՒԹՅԱՆ ՆԱԽԱՁԵՌՆՈՒԹՅԱՆ ԲԱԶՄԱՇԱՀԱՌՈՒ ԽՄԲԻ ՆԻՍՏԻ ԱՐՁԱՆԱԳՐՈՒԹՅՈՒՆ N 1

27.06.2016թ. | Ժամը 18:10-19:00 | ՀՀ կառավարություն

Մասնակիցներ՝ Բազմաշահառու խմբի անդամներ

Նախագահող՝

- Դ. Հարությունյան - ՀՀ կառավարության աշխատակազմի ղեկավար-նախարար
- Կ. Իսախանյան - ՀՀ տարածքային կառավարման և զարգացման նախարարի տեղակալ
- Խ. Հակոբյան - ՀՀ բնապահպանության նախարարի տեղակալ
- Վ. Վարդանյան - ՀՀ էներգետիկայի և բնական պաշարների նախարարության աշխատակազմի ընդերքի վարչության պետ
- Պ. Խաչատրյան - «Զանգեզուրի պղնձամոլիբդենային կոմբինատ» փակ բաժնետիրական ընկերության իրավական աջակցության ծառայության պետ
- Վ. Վարդանյան - «Դանդի Փրիշու Մեթալս Կապան» փակ բաժնետիրական ընկերության վարչական ծառայությունների գծով տնօրեն
- Ա. Ստեփանյան - «Գեոթիմ» փակ բաժնետիրական ընկերության կայուն զարգացման գծով ավագ կառավարիչ
- Ա. Նիկողոսյան - «Ագարակի պղնձ-մոլիբդենային կոմբինատ» փակ բաժնետիրական ընկերության գլխավոր տնօրենի խորհրդական
- Ս. Այվազյան - «Թրանսփարենսի Ինթերնեշնլ հակակոռուպցիոն կենտրոն» հասարակական կազմակերպության փոխտնօրեն
- Ա. Գրիգորյան - «Էկոիրավունք» հասարակական կազմակերպության նախագահ
- Ի. Զարաֆյան - «Էկոլուր» տեղեկատվական հասարակական կազմակերպության նախագահ
- Հ. Մովսիսյան - Երևանի պետական համալսարանի Օգտակար հանաձոների հանքավայրերի որոնման և հետախուզման ամբիոնի դոցենտ, Կայուն զարգացման կենտրոնի փորձագետ

ՀՀ կառավարության աշխատակազմ

- Ա. Ասատրյան - ՀՀ կառավարության աշխատակազմի «Հանքարդյունաբերության ոլորտի թափանցիկության բարելավում» ծրագրի ղեկավար

- Լ.Թովմասյան - ՀՀ կառավարության աշխատակազմի «Հանքարդյունաբերության ոլորտի թափանցիկության բարելավում» ծրագրի փորձագետ
- Լ.Շուշանյան - ՀՀ կառավարության աշխատակազմի ղեկավար-նախարարի խորհրդատու

Բացականեր՝

- Հ. Հովհաննիսյան - ՀՀ էկոնոմիկայի նախարարի տեղակալ
- Ա. Գևորգյան - ՀՀ ֆինանսների նախարարի տեղակալ
- Ա. Ղազարյան - «Աշխատավորների իրավունքների պաշտպանության միավորում» հասարակական կազմակերպության նախագահ

Արձանագրող՝ Լ.Թովմասյան

ՕՐԱԿԱՐԳԻ ՀԱՐՑԵՐ

1. ՀՀ ԱՃԹՆ Բազմաշահառու խմբի (ԲՇԽ) ստեղծման և դրա կազմը հաստատելու որոշման նախագծի քննարկում

Դ.Հարությունյանը ողջունեց խմբի մասնակիցներին և ներկայացրեց ԱՃԹՆ ԲՇԽ-ի ստեղծման և դրա կազմը հաստատելու որոշումների կայացման միջազգային փորձի վերաբերյալ տեղեկատվությունը:

Առաջարկվեց՝ հրապարակել ՀՀ ԱՃԹՆ ԲՇԽ-ի անդամների կազմը և այն հրապարակելուց երկու շաբաթ հետո ընդունել ՀՀ վարչապետի «Հայաստանի Հանրապետության Արդյունահանող ճյուղերի թափանցիկության նախաձեռնության Բազմաշահառու խումբ ստեղծելու և դրա կազմը հաստատելու մասին» որոշումը:

2. ՀՀ կառավարության աշխատակազմի ԱՃԹՆ փորձագետի ներկայացում և երկրորդ փորձագետի թափուր պաշտոնի մրցույթի հայտարարության հրապարակում

Դ.Հարությունյանը նիստի մասնակիցներին ներկայացրեց ՀՀ կառավարության աշխատակազմի ԱՃԹՆ փորձագետ **Լ.Թովմասյանին** և, կարևորություն տալով երկրորդ փորձագետի ԱՃԹՆ գործընթացում ներգրավման անհրաժեշտությունը, **հանձնարարեց** հրապարակել փորձագետի թափուր պաշտոնն զբաղեցնելու հայտարարությունը:

3. ՀՀ ԱՃԹՆ ԲՇԽ-ի աշխատանքների իրականացման ժամանակացույցի ներկայացում

- **ՀՀ ԱՃԹՆ ԲՇԽ-ի աշխատակարգի նախագծի մշակում**

Դ.Հարությունյանը նիստի մասնակիցներին ներկայացրեց ԲՇԽ-ի աշխատակարգի հիմնական դրույթները և առաջարկեց այն շրջանառել ԲՇԽ-ի անդամների միջև, որպեսզի նրանք ներկայացնեն աշխատակարգի կարգավորումների վերաբերյալ իրենց նկատառումները՝ դրանք քննարկելու և աշխատակարգի նախագծում ընդգրկելու նպատակով:

Առաջարկվեց՝ էլեկտրոնային փոստով աշխատելու նպատակով ստեղծել էլեկտրոնային հասցեների միասնական ցանկ, որի միջոցով կկազմակերպվեն աշխատանքները:

Հանձնարարվեց՝ Լ.Թովմասյանին, համատեղ աշխատելով ԲՇԽ-ի անդամների հետ, մինչև 2016թ. օգոստոսի 15-ը մշակել ՀՀ ԱՃԹՆ ԲՇԽ-ի աշխատակարգի նախագիծ և շրջանառել այն ԲՇԽ-ի անդամների միջև:

- **ՀՀ ԱՃԹՆ ԲՇԽ-ի հաջորդ նիստի անցկացման ժամկետները**

Դ.Հարությունյանը նիստի մասնակիցներին առաջարկեց ԲՇԽ-ի հաջորդ նիստը անցկացնել 2016թ. սեպտեմբեր ամսվա սկզբին՝ ՀՀ ԱՃԹՆ ԲՇԽ-ի աշխատակարգը հաստատելու և աշխատանքային ծրագրի նախագիծը/դրույթները քննարկելու նպատակով:

Առաջարկվեց՝ ԲՇԽ-ի անդամներին և փորձագետին՝ աշխատանքային ծրագիրը մշակելիս աշխատել էլեկտրոնային կապի միջոցներով և աշխատանքային ծրագիրը ներկայացնել ԲՇԽ-ի հաստատմանը 2016թ. հոկտեմբերին:

ՔՆՆԱՐԿՎԱԾ ԱՅԼ ՀԱՐՑԵՐ

1. **Ա.Գիրգորյանը** հայտարարեց, որ քաղաքացիական հասարակության ներկայացուցիչները ուսումնասիրել են աշխատանքային ծրագրերի միջազգային փորձը, մասնավորապես՝ Ուկրաինայի աշխատանքային ծրագիրը և առաջարկեց ներկայացնել իրենց կողմից մշակված փաստաթուղթը:

2. **Ա.Նիկողոսյանը** հետաքրքրվեց ՀՀ ԱՃԹՆ դիմումը նոյեմբերին ներկայացնելու հնարավորության մասին:

Ա.Ասատրյանը պարզաբանեց, որ, քանի որ ԱՃԹՆ միջազգային խորհրդի հերթական նիստը տեղի է ունենալու 2016թ. հոկտեմբերին, և դիմումը նիստին քննարկելու համար այն ԱՃԹՆ քարտուղարությանը պետք է ներկայացնել նիստից առնվազն երկու ամիս առաջ, իրատեսական է, որ

ՀՀ ԱՃԹՆ դիմումը կներկայացվի 2016թ. դեկտեմբերին՝ այն ԱՃԹՆ միջազգային խորհրդի 2017թ. առաջիկա նիստին քննարկելու համար:

Դ.Հարությունյանը հայտատարեց, որ կարևորում է իրականացվող աշխատանքների որակը, որն ապահովելու համար որոշակի ժամանակ է հարկավոր:

3. Ա.Ասատրյանը ներկայացրեց ՀՀ ԱՃԹՆ գործընթացի մեկնարկի միջոցառման (launch event) իրականացման նպատակահարմարության հարցը:

Դ.Հարությունյանը կարծիք հայտնեց, որ գտնում է, որ ՀՀ ԱՃԹՆ գործընթացի մեկնարկի միջոցառումը նպատակահարմար է իրականացնել ոչ ֆորմալ ձևաչափով և **առաջարկեց** մասնակիցներին՝ ներկայացնել առաջարկություններ գործընթացին համահունչ և հետաքրքիր միջոցառման անցկացման վերաբերյալ:

4. Քննարկվեց նաև ՀՀ ԱՃԹՆ ԲՇԽ-ի նիստերին միջազգային գործընկերների և այլ մասնակիցների մասնակցության հարցը և որոշվեց ԲՇԽ-ի նիստերին բազմաքանակ դիտորդների և հրավիրյալների մասնակցությունը ԲՇԽ-ի աշխատանքների արդյունավետության տեսանկյունից ոչ նպատակահարմար:

5. Հ.Մովսիսյանը բարձրացրեց ԲՇԽ-ի անդամներին ՀՀ կառավարության շենք մուտք գործելու համար անցագրեր տրամադրելու հարցը:

Դ.Հարությունյանը հանձնարարեց ուսումնասիրել խնդրի լուծման հնարավորությունը: